

REGIONALNI STAMBENI PROGRAM - RSP

Broj: 04-36-1-134- *9510* /13
Datum: 06.10.2020. godine

Na osnovu člana 70. stav (1) i (3) Zakona o javnim nabavkama – u daljem tekstu: Zakon („Službeni glasnik BiH“, broj: 39/14) i Rješenja o ovlaštenju federalnog ministra raseljenih osoba i izbjeglica, broj: 04-36-1-134-8551/13 od 02.07.2018. godine, a na Preporuku Komisije za javne nabavke, imenovane Rješenjem broj: 04-36-1-134-9403-2/13 od 11.06.2020. godine, Federalni ministar raseljenih osoba i izbjeglica **d o n o s i**

O D L U K U
O IZBORU NAJPOVOLJNIJEG PONUĐAČA -
Izvođenje građevinskih radova na rekonstrukciji/izgradnji
stambenih jedinica u gradu/općini: Goražde - (3 st.jedinice),
u okviru Regionalnog stambenog programa - RSP,
BiH2 Pod-projekta, 03/20-RSP BiH2

LOT 1

I

U cilju odabira najpovoljnijeg ponuđača, nakon provedenog otvorenog postupka javne nabavke radovi - Izvođenje građevinskih radova na rekonstrukciji/izgradnji stambenih jedinica u gradu/općini: Goražde - (3 st.jedinice), u okviru Regionalnog stambenog programa - RSP, BiH2 Pod-projekta, 03/20-RSP BiH2, kao najbolje ocijenjena prihvatljiva ponuda je ponuda ponuđača: **GPD "DRINA" d.d. GORAŽDE, sa ukupnom cijenom ponude sa uračunatim popustom bez PDV - a u iznosu od 109.543,83 KM.**

II

Ponuđač iz tačke I ove odluke ocijenjen je kao prihvatljiv, jer ispunjava sve uslove postavljene tenderskom dokumentacijom.

III

Dokaze o kvalifikaciji ponuđača, ponuđač je obavezan dostaviti u roku od 7 (sedam) dana od dana obavještenja ponuđača o rezultatima postupka, u skladu sa odredbama tenderske dokumentacije.

IV

Odluka stupa na snagu danom donošenja i objaviti će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona, istovremeno s upućivanjem iste ponuđaču koji je učestvovao u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 04-36-1-134-9403/13 od 27.05.2020. godine. Javna nabavka provedena je putem otvorenog postupka. Predmet nabavke podijeljen je na tri LOT-a. Ukupna procijenjena vrijednost nabavke iznosila je 536.259,00 KM, bez PDV-a i predviđena je Planom javnih nabavki za 2020. godinu u okviru Regionalnog stambenog programa, pod rednim brojem 03/20-RSP BiH2. Procijenjena vrijednost nabavke za Lot 1 je iznosila 108.548,00 KM. Obavijest o nabavci, broj: 668-1-3-41-3-69/20 poslana je na objavu 27.05.2020. godine, te je zajedno sa tenderskom dokumentacijom istog dana objavljena na portalu javnih nabavki. Sažetak Obavještenja o nabavci objavljen je u „Službenom glasniku BiH – Oglasnik javne nabavke“, broj: 30/20.

Tri ponuđača su dostavili ponudu u predmetnom postupku nabavke. Ponude su dostavljene blagovremeno. Ponude su dostavili sljedeći ponuđači : "KONSTRUKTOR" d.o.o. FOČA, GPD "DRINA" d.d. GORAŽDE i "GRADNJA SM" d.o.o. GORAŽDE.

Komisija za javne nabavke, imenovana Rješenjem, broj: 04-36-1-134-9403-2/13 od 11.06.2020. godine, izvršila je pregled i evaluaciju prispjelih ponuda i konstatovala da od ukupno 3 (tri) dostavljene ponude, 2 (dvije) su prihvatljive za ugovorni organ, a 1 (jedna) ponuda se odbacuje kao neprihvatljiva.

Ponuda dostavljena od strane ponuđača "GRADNJA SM" d.o.o. GORAŽDE je neprihvatljiva jer ne ispunjava uslove tražene tenderskom dokumentacijom - tačka 9 TD traženo je dostavljanje Garancije za ozbiljnost ponude, koju ponušač nije dostavio. U tački 7.3. TD traženo je dostavljanje Solventnost ponuđača (da transakcioni račun firme nije bio blokiran u periodu od 12 mjeseci računajući unazad od datuma objavljivanja Obavještenja o nabavci), Pozitivan bilans uspjeha za 2019. godinu (razlika između stavki Ukupni prihodi i Ukupni rashodi iz Bilansa uspjeha mora biti pozitivna), da je u posljednje tri godine (2017, 2018, 2019) ostvario ukupan promet u iznosu: Lot 1: 180.000,00 KM (za ponuđače koji dostavljaju ponudu samo za LOT 1) i Izjavu (ovjerenu od strane nadležnog organa) o ukupnom prometu ponuđača, za posljednje tri finansijske godine (2017, 2018 i 2019.godine). Ponuđač u svojoj ponudi nije dostavio potvrdu o solventnosti kako je traženo tenderskom dokumentacijom, nego je dostavio potvrdu banke o stanju na računu i sa izjavom da račun ponuđača nije bio u blokadi u zadnjih 6 mjeseci. Traženi su bilansi za 2017., 2018. i 2019. godinu, a ponuđač je u svojoj ponudi dostavio samo bilans za 2019.godinu i nije dostavio ni izjavu o ostvarenom prometu. U tački 7.4.2. TD tražena je Potvrda o uredno izvršenim ugovorima (u skladu sa zahtjevima člana 48. Stav 3) ZJN i dokaz da Ponuđač ima angažovano, u radnom odnosu, minimalno jednog VSS/dipl.inžinjera građevine ili arhitekture sa položenim stručnim ispitom – voditelja građenja, treba dostaviti: Original ili ovjerena kopija izvoda iz PIO/MIO/Poreske uprave, s tim da original ne smije biti stariji od jedne godine od datuma dostavljanja ponude, i kopije diplome i uvjerenja o položenom stručnom ispitu za jednog inžinjera VSS/dipl.inžinjera građevine ili arhitekture. Ponuđač u svojoj ponudi je dostavio spisak ugovora, ali nisu dostavljene tražene potvrde o dobrom, izvršenju posla. Za traženog jednog VSS/dipl.inžinjera građevine ili arhitekture sa položenim stručnim ispitom – voditelja građenja ponuđač u ponudi nije dostavio tražene dokaze. U tački 10.10. traženo je dostavljanje Nacrta ugovora sa svojim podacima i detaljima koji su sadržani u ponudi (tj.cijena i drugi podaci). Ponuđač nije dostavio traženi dokument, te nije ispunio zahtjev postavljen Tenderskom dokumentacijom.

Nakon izvršenog pregleda i evaluacije ponuda, Komisija je dostavila Projekt menadžeru Zapisnik o pregledu i ocjeni ponuda, broj: 04-36-1-134-9500/13 od 16.09.2020. godine zajedno sa Preporukom da se donese Odluka o izboru najpovoljnijeg ponuđača GPD "DRINA" d.d. GORAŽDE, sa registriranim sjedištem na adresi u ul. Sinica br. 14, Goražde, ID broj: 4245021800004, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije. U postupku ocjene provedenog postupka, Projekt menadžer nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine putem ugovornog organa Federalnog ministarstva raseljenih osoba i izbjeglica, u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

- Učesniku u postupku
- Web stranica Ministarstva
- Grupa poslova za javne nabavke
- a/a

MINISTAR

dr.sci. Edin Ramić

